


徐氏醫學十六種

9

9
E Chinese

Vol IX



蘭臺軌範卷八

吳江徐靈胎洄溪著

婦人

素問

六元正紀大論黃帝問曰婦人身重毒之何如岐伯曰有故無殞亦無殞也帝曰願聞其故岐伯曰大積大聚其可犯也衰其大半而止過者死腹中論帝曰何以知懷子之且生也岐伯曰身有病而無邪脈也奇病論黃帝問曰人有重身九月而瘡此何為也岐伯曰胞之絡脈絕也帝曰何以言之岐伯曰胞絡者繫於腎少陰之脈貫腎繫古本故不能言帝曰治之奈何岐伯曰無治也當十月復平人氣象論婦人手少陰脈動甚者妊子也

難經

妊之為病其內苦結女子為瘕聚左者為腎右者為命門命門者諸精神之所舍原氣之所繫也男子以藏精女子以繫胞

金匱

問曰新產婦人有三病一者病瘕二者病鬱冒三者大便難何謂也曰新產血虛多汗出喜中風故令病瘕亡血復汗寒多故多鬱冒亡津液胃燥故大便難產婦鬱冒其脈微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之雖當汗出不宜太過師曰產婦腹痛法當以枳實芍藥散假令不愈者此為腹中有瘀血著臍下宜下瘀血湯主之亦主經水不利產後七

八日無太陽證少腹堅痛此惡露不盡不大便煩燥發熱切脈微實再倍發熱日晡時煩燥者不食食則
譫語至夜即愈宜大承氣湯主之熱在裏結在膀胱也婦人傷寒發熱經水適來晝日明了暮則譫語
如見鬼狀者此為熱入血室治之無犯胃氣及上二焦必自愈婦人中風發熱惡寒經水適來得七八
日熱除脈遲身涼和胸脇滿如結胸狀譫語者此為熱入血室也當刺期門隨其實而取之期門二穴在乳頭直下四寸第二肋端此等刺法最易學也婦人之病因虛積冷結氣為諸經水斷絕至有歷年血寒積結胞門寒傷經絡凝堅在
上嘔吐涎唾久成肺癰形體損分在中盤結纏臍寒症或兩脇疼痛與臟相連或結熱中痛在關元脈數
無瘡肌若魚鱗時著男子非止女身在下未多經候不勻令陰掣痛少腹惡寒或引腰脊下根氣街氣街
急痛膝腫疫煩奄忽眩暈狀如厥癰或有憂慘悲傷多嘔此皆帶下非有鬼神久則羸瘦脈虛多寒三十
六病千變萬端審脈陰陽虛實緊弦行其針藥治危得安其雖同病脈各異源予當辨記勿謂不然問
曰婦人年五十所病下痢數十日不止暮即發熱小便裏急腹滿手掌煩熱唇口乾燥何也師曰此病屬
帶下何以故曾經半產瘀血在少腹不去何以知之其證唇口乾燥故知之當以溫經湯主之婦人陷
經漏下黑不解膠薑湯主之方無考按本云宜是膠艾湯婦人懷娠六七月脈弦發熱其胎愈脹腹痛惡寒者少腹
如扇形容寒之盛所以然者子臟開故也當附子湯溫之方無婦人傷胎懷身腹滿不得小便從腰以下重
如有水氣狀懷身七月太陰當養不養此心氣實當刺瀉勞宮關元小便微利則愈

病源

妊娠數墮胎候血氣虛損子臟為風冷所居則血氣不足故不能養胎所以致胎數墮候妊娠而恆腰
痛者喜墮胎也按墮胎皆由於血熱兩胎一死一生候陽施陰化精盛有餘者則成兩胎其兩胎而一死者候其
胎上冷是胎已死也

妊娠過年不產 由挾寒冷宿血在胞而有胎則冷血相搏令胎不長產不以時若其胎在胞日月雖多其胎弱小轉動勞瘵是挾於病必過時乃產

胞轉 臍下急痛小便不通是也其病由不同胞轉及胞落並致死

帶下三十六疾 諸方說三十六疾者是十二癰九痛七害五傷三固是也十二癰者是所下之物一如膏二如青血三如紫汁四如赤皮五如膿痂六如豆汁七如葵根莖八如凝血九如青血血似水十如米汁十一如月洗十二經度不應期也九痛者一陰中傷痛二陰中淋痛三小便即痛四寒冷痛五月水來腹痛六氣滿並痛七汁出陰中如蟲嚙痛八腸下皮痛九腰痛七害者一害食二害氣三害冷四害勞五害房六害妊七害睡五傷者一窮孔痛二中寒熱痛三小腹急牢痛四臟不仁五子門不正引腎痛三固者一月水閉塞不通其餘二固文缺不載

與鬼交 臟腑虛神守弱鬼氣得病之也其狀不欲見人獨言笑悲泣脈來遲伏或如鳥啄

惡阻 心中潰悶頭眩四肢煩疼懈惰不欲執作惡聞食氣欲噉食鹹酸果食多睡少起乃至三四月以上大劇者不能自勝舉也此由婦人元本虛羸血氣不足腎氣又弱兼當風食冷太過心下有痰氣挾之而有妊也

子滿 此由脾胃虛弱有停水而挾以妊娠也水漬於胞則令胎壞惟將產之月而脚微腫則其產實益胞藏水血多也初妊娠者則反壞胎

胎漏 此由衝任脈虛不能約制太陽少陰之經血也亦名胞阻漏血盡則人斃也

鬼胎 正虛則妖魅精入臟狀如懷妊

胎疸 其母臟氣熱熏蒸於胎

血分 是經血先斷而後成水病。以其月水壅塞不通經血分而為水故曰血分

胞絡傷損 子臟虛冷。氣下衝則陰挺出。謂之下胞。亦有因產用力偃氣而陰脫者

陰臭 由于子臟有寒。寒搏於津液。蘊積氣衝於陰。故變臭也。此亦由內熱所致

子臟開 由于子臟宿虛。因產冷氣乘之。血氣得冷不得相榮。故令開也。

婦人方

桂枝茯苓圖金 治婦人宿有癥病。經斷未及三月而得漏下不止。胎動在臍上者。為癥瘕。害妊娠。六月

動者。前三月經水利時。胎也。下血者。後斷三月。衄也。所以血不止者。其癥不去故也。當下其癥。此主之

桂枝 丹皮 茯苓 桃仁去皮 芍藥各等分 右五味末之。煉蜜丸如兔屎大。每日食前服

一丸。不知加至三丸

當歸芍藥散金 治婦人懷妊腹中疝痛

當歸三兩 芍藥一斤 茯苓四兩 白朮四兩 澤瀉半斤 芫花三兩

乾薑人參各半 半夏二兩 右三味末之。生薑汁糊丸如梧子大。飲服十九日。三

葵子一斤 茯苓三兩 右二味杵為散。飲服方寸匕。日三服。小便利則愈。

當歸貝母苦參丸金 治妊娠小便難。飲食如故。

當歸 貝母 苦參各等分 右三味末之。蜜丸如小豆大。飲服三丸。加至十丸。

當歸散金 婦人妊娠宜常服

當歸 貝母 苦參各等分 右三味末之。蜜丸如小豆大。飲服三丸。加至十丸。

當歸散金 婦人妊娠宜常服

當歸

黃芩

芍藥

芫花各一

白朮半斤

右五味杵為散酒服方寸匕日再服妊娠常

服即易產胎無苦疾產後百病悉主之

白朮散

金匱

妊娠養胎

白朮

芫花

蜀椒三分壯蠟

右四味杵為散酒服一錢匕日三服夜一服但苦痛加芍藥

心下毒痛倍加芍藥心煩吐痛不能飲食加細辛一兩半夏大者二十枚服之後更以酸漿水服之若

嘔以醋漿水服復不解者小麥汁服之以後渴者大麥粥服之病雖愈服之勿置原本無分兩

枳實芍藥散

金匱治產後腹痛煩滿不得臥

枳實

燒令黑勿太過芍藥等分

右二味杵為散服方寸匕日三服并主癰腫以麥粥下之假令腹痛不愈

此為腹中有瘀血著臍下宜下瘀血湯主之亦主經水不利

下瘀血湯

金匱

大黃三兩

桃仁二十枚

蟅蟲二十枚

末之蜜和為四丸以酒一升煎一丸取八合頓服之新血下如豚

肝

以丸作煎又一法按新字當作瘀字

竹葉湯

金匱

治產後中風發熱面正赤喘而頭痛

竹葉一把

葛根三兩

防風

桂枝

桔梗

人參

甘草各一兩

附子一枚

大棗十五枚

生薑五兩

右十味水一斗煮取二升半分溫三服溫覆取汗出頸項強用大附子一枚破之如

豆入前藥揚去沫嘔者加半夏半升洗

竹皮大丸

金匱

治婦人乳中虛煩亂嘔逆安中益氣

生竹茹二分

石膏二分

桂枝一分

甘草七分

白薇一分

右五味末之棗肉丸如彈子大飲服一丸

日三夜二 有熱倍白薇 煩喘者加柏實一分

白頭翁加甘草阿膠湯金匱 治產後下痢虛極

白頭翁 甘草 阿膠各二兩 秦皮三兩 黃連二兩 柏皮三兩

令消分溫三服

右六味水七升煮二升半納膠

半夏厚朴湯金匱 治婦人咽中如有炙饑

半夏一升 厚朴三兩 茯苓四兩 生薑五兩 乾蘇葉二兩

石五味水七升煮取四升分溫四服日三

夜一

甘麥大棗湯金匱 治婦人臟燥悲傷欲哭象如神靈所作數欠伸此主之

甘草三兩 小麥一升 大棗十枚 右三味水六升煮取三升分溫三服亦補脾氣

溫經湯金匱 主婦人曾經半產瘀血在少腹不去其證唇口乾燥

吳茱萸三兩 當歸二兩 芍藥二兩 人參二兩 桂枝二兩 阿膠二兩 丹皮二兩 生薑三兩

甘草二兩 半夏一升 麥冬一升 水一斗煮取三升分溫三服 亦主婦人少腹寒久不受胎兼治

崩中去血或月水來過多及至期不來調經方

土瓜根散金匱 治帶下經水不利少腹滿痛經一月再見

土瓜根 芍藥 桂枝 蟅蟲各三兩 右三味杵為散酒服方寸匕日三服此治瘀血伏留

旋復花湯金匱 寸口脈弦而大弦則為減大則為芤減則為寒芤則為虛寒虛相搏此名曰革婦人則半

產漏下此湯主之

旋復花三兩 葱十四莖 新絳少許 水三升煮取一升頓服

大黃甘遂湯金 治婦人少腹滿如敦狀小便微難而不渴此為水與血俱結在血室也此主之

大黃四兩 甘遂二兩 阿膠二兩 右三味以水三升煮取一升頓服其血當下

礬石丸金 治經水閉不利臟堅癖不止中有乾血下白物

礬石三分 杏仁一分 右二味末之煉蜜丸棗核大納臍中劇者再納之

紅藍花酒金 治婦人六十二種風腹中血氣刺痛

紅藍花兩 酒一大 煎減半頓服一半未止再服

蛇床子散金 治婦人陰寒溫陰中坐藥

蛇床子一味末之以白粉少許和合相得如棗大綿裹納之自然溫

狼牙湯金 治婦人陰中生瘡蝕爛者

狼牙三兩 水四升 煮取半升以綿纏飭如繭絞湯瀝陰中日四遍

三物黃芩湯金 治婦人在草蓐自發露得風四肢苦煩熱頭痛者與小柴胡湯頭痛不痛但煩者此湯主之

黃芩一兩 苦參二兩 地黃四兩 右三味水六升煮取二升溫服一升多吐下蟲

當歸建中湯金 治產後虛羸不足腹中刺痛不止吸吸少氣或苦少腹中急摩痛引腰背不能食飲產

後一月日得服四五劑為善令人強壯宜

當歸四兩 桂枝三兩 芍藥六兩 生薑三兩 甘草二兩 大棗十二枚 右六味水一斗煮取三升分溫三

服一日令盡若大虛者加飴糖六兩湯成納之火上煖令飴消若去血過多崩傷內衄不止加地

黃六兩阿膠二兩

佛手散本事方又 調經

芎藭二兩當歸三兩

右為細末每服二錢水一盞酒二分煎七分溫服

回生丹 此催生之聖藥

錦紋大黃一斤蘇木三兩打碎用河水五大黑豆三升水浸取殼用絹袋盛殼同豆煮紅花三兩炒黃

三四盤煎三米醋九升陳者更佳將大黃末入淨鍋下米醋三升文火熬之以長木筋不住手攪之成膏再加

醋三斤熬之又加醋三升次第加畢然後下黑豆汁三盤再熬次下蘇木汁次下花紅汁熬成大黃膏

取入瓦盆盛之大黃鍋紀亦鐺下入後藥同磨人參當歸酒洗芎藭香附醋炒

延胡索酒炒蒼朮浸炒蒲黃隔紙炒茯苓各一兩去牛膝五錢甘草炙地榆酒洗

川羌活橘紅白芍各五錢木瓜青皮各三錢乳香沒藥各二錢益母草三兩

本香四錢白朮三錢米烏藥二兩良薑四錢馬鞭草五錢秋葵子三錢熟地一兩酒浸九次

山稜五錢醋浸五靈脂五錢醋煮化山萸肉五錢酒浸上三十味并煎黑豆殼共曬為末入石臼內大

黃膏拌勻再下熟蜜一斤共搗千杵為丸重二錢七八分陰乾不可火烘燥蠟為殼護之用時去蠟

開骨散 臨產婦交骨不開 當歸五錢龜板三錢醋炙芎藭二錢婦人髮一團水煎服

奪命散 產後 沒藥等分血竭等分右研為細末纔產下用童便細酒半杯煎一二沸調下二錢良久再服

血下行便不銜上免生百疾

下死胎方本事

桂木三錢麝香當附子一粒全研溫酒服須臾如手推下比之用水銀等藥此不致

久不脫

交加散

本事

治婦人榮衛不通經脈不調腹中撮痛氣多血少結聚為瘕產後中風

生地黃

五兩研

生薑

五兩研

右交互用汁浸一夕各炒黃漬汁盡為度末之尋常腹痛酒調下三

錢尤不可缺

護胎方

本事

治妊娠時氣身熱今子不落

伏龍肝為末水調塗臍下二寸乾則易差即止

又取井中泥塗心下乾則易

海蛤散

本事

治婦人傷寒血結胸脇揉而痛不可撫近

海蛤

滑石

甘草

各一兩半兩

右為末每服二錢雞子清調下

小柴胡加地黃湯

本事

治婦人室女傷寒發熱或發寒熱經水適來或適斷晝則明了夜則譫語如見

鬼狀亦治產後惡露方來勿斷絕

柴胡

一兩一分

黃芩

甘草

各半兩

右為末每用五錢水二盞生薑五片棗二

枚煎至八分

去渣服此即熱入血室

烏雞前圓方

治婦人胎前產後諸般疾並皆治之

烏雄雞

一隻

人參

白朮

石牀

丹皮

黃耆

烏藥

草菓

延胡索

地黃

熟乾者

木香

琥珀

肉豆蔻

各半兩

陳皮

紅花

川烏

泡海桐皮

附子

泡法去粗皮

蓮莖朮

各三兩

蒼朮

米泔浸切

右細剉用烏雄雞一隻湯搗去毛及腸肚將上

藥安放雞腹中用新瓦瓶好酒一斗同煮令乾去雞骨以油單紙盛焙乾為細末煉蜜丸如梧子大每

服三十丸

猪蹄湯局

治乳婦氣少血衰脈澀不行絕無乳汁

猪蹄一隻 木通五兩

右將猪蹄淨洗依食法事治次用水一斗同木通浸煮得四五升取汁飲如

乳不下再服為妙

紫石英丸局方

治婦人久冷無子及數經墮胎經水不調崩漏帶下三十六病積聚癥瘕少腹急重小便

白濁

烏賊魚骨燒灰

甘草炙

柏子仁微炒

別研山預各一兩

辛夷仁

肉桂去粗皮

卷柏

石斛

乾熟地黄

芎藭

牡蒙

禹餘糧醋淬七次

人參

續斷後

細辛

桑寄生

牛膝

厚朴薑汁炙

食茱萸

當歸炒

川烏泡去皮臍乾薑泡

丹皮各一分

天門冬去心

紫石英細研飛各三兩

右為細末煉蜜丸如梧子大每服三十九溫酒或米飲下空心食前日二服

催生丹局

治產婦產育艱難或逆或橫並宜服之

母丁香錢末

麝香別研

兔腦臘月者去皮搗如泥

乳香別研一分

右拌勻以兔腦和圓如雞豆大陰乾用油

紙蜜封貼

溫水服一丸即時產下墮男左女右手握丸藥出是驗

小調經散局

治產後敗血循經流入四肢腐爛如水服此血行腫消則愈

沒藥

琥珀

桂心

白芍

當歸銼一細辛

麝香各五

為末薑汁酒各少許調

脫此方治血分病最良

二味參蘇飲

治產後瘀血入肺咳嗽喘急

人參一兩

紫蘇二兩疑是蘇木

作一劑水煎服若既愈當用六君子湯以補脾胃若口鼻黑氣起急用

此藥加附子五錢亦有得生者

紫蘇飲局方

治子懸腹痛或臨產驚恐氣結連日不安或大小便不利

當歸

甘草

大腹皮

黑豆浸水泡

人參

芎藭

橘皮

各七分

白芍

炒五分

紫蘇

一錢

薑蔥引

水煎服

紫散

用經和紀

止血崩

香附子

炒黑存性

為末熱酒調方寸匕再服立定生末安胎

秦桂丸

方雜抄

治婦人無子

秦艽

桂心

杜仲

防風

厚朴

各三錢

附子

生用

茯苓

各一兩

白薇

乾薑

沙參

牛膝

半夏

各五錢

人參

一兩

細辛

一錢

右十四味為末煉蜜丸如棗豆大每服三十

丸空心米飲任下未效再加數丸已覺有孕便不可服

求嗣方

雜抄

士子日合藥別日不用名助陽丹

細辛

五錢

牛膝

二兩

茯苓

一兩

沒藥

四錢

吳茱萸

白薇

白芨

秦艽

乳香

防風

當歸

去蘆各三錢

肉桂

厚朴

石菖蒲

附子

各二錢

人參

一錢

以上二方治胞寒

黃龍湯

治人書

妊娠寒熱頭疼嘔噦不欲飲食腸下痛嘔逆痰氣及產後傷風熱入胞宮寒熱如瘧并經

水道斷病後勞復餘熱不解

黃龍湯

治人書

妊娠寒熱頭疼嘔噦不欲飲食腸下痛嘔逆痰氣及產後傷風熱入胞宮寒熱如瘧并經水道斷病後勞復餘熱不解

水通斷病後勞復餘熱不解

柴胡

一兩

黃芩

人參

甘草

各一分

右四味

每服五錢水一盞半煎一盞去渣溫服

桂枝湯

金匱

婦人得平脈陰脈小弱其人渴不能食血寒熱名妊娠桂枝湯主之於法六十日當有此證

設有醫治逆春却一月加吐下者則絕之

見傷寒

小柴胡湯

金匱

婦人中風七八日續來寒熱發作有時經水適斷此為熱入血室其血必結故使如瘧狀

見傷寒

大承氣湯金 產後七八日無太陽症少腹堅痛惡露不盡不大便煩躁發熱切脈微實再倍發熱日晡

時煩躁者不食食即譫語至夜即愈熱在裏結在膀胱也見傷寒

小青龍湯金 婦人吐涎沫醫反下之心下即瘕當先治其吐涎沫此主之見痰飲 涎沫止乃治瘕瀉心湯

主之見血

芎歸膠艾湯金 治陷經漏下黑不解見通

諸髮膏煎金 胃氣下泄陰吹而正噎此穀氣之實也見瘕

腎氣丸金 治婦人飲食如故煩熱不得臥而反倚息者此名轉胞不得溺也以胞系了戾故致此病但

利小便則愈即崔氏八味見通治

當歸生薑羊肉湯金 治產後腹中疝痛并治腹中寒疝虛勞不足見通

按婦人一切外感內傷等症與男子同無庸另立治法惟經帶胎產癰瘕等疾病變多端必從調經種子等法探本索源而後可施用今因金匱要略有治婦人方論一卷故亦略載婦人常用之方數十首至其全體仍當詳考之

小兒此卷方論俱從錢氏直訣選出其外有小兒常患之症而方未備者更考他書補入治小兒之法大端略具其所選之方藥一概全錄不必更將他卷查閱以便業外科者專取此書誦習可也

脈法

脈弦急和氣不 脈沉緩傷食 脈促結虛驚 脈浮為風 脈沉細為寒 脈亂不治 全幼心鑑云小兒一歲以前

看虎口食指寅卯辰三關以驗其病寅卯辰三關即風氣命三關也 脈紋從寅關起不至卯關者易治若連卯關者難治

若寅侵卯卯侵過辰者十不救一其脈紋見有五色如因驚必青瀉痢必紫當以類而推之一歲後則

可用一指轉側辨其三部脈弦急浮沉四五歲後脈七八至而細數者為平九至者傷十至者困六至

五至者為虛為寒弦緊為風痲弦急為客忤

面部症

左腮為肝。右腮為肺。額上為心。鼻為脾。頰為腎。若色赤者熱也。宜隨症治之。

目部症

目內色赤者心實熱。淡紅者心虛熱。青者肝實熱。淡青者肝虛熱。黃者脾實熱。微黃者脾虛熱。白而淚者肺實熱。目無睛光者腎虛也。

五臟虛實寒熱

心主驚。實則叫哭發熱。飲水而搖。虛則臥而悸動不安。視其睡口中氣溫。或合面睡。及上竅咬牙。皆心熱也。心氣實則喜仰臥。

肝主風。實則目直大叫。呵欠項急。頸悶。虛則咬牙多欠。肝熱則手尋衣領。及亂捻物。壯熱飲水。喘悶目赤發揚。肝有風則目連劄得。心熱則發搖。或筋脈牽繫而直。視風甚則身反張。強直不搖。心不受熱也。當補腎治肝。

脾主困。實則困睡。身熱飲水。虛則吐瀉生風。面白腹痛。口中氣冷。不思飲食。或吐清水。呵欠多睡者。脾氣虛而欲發驚也。

肺主喘。實則悶亂喘促。有飲水者。有不飲水者。虛則哽氣長出氣。肺熱則手掐眉目鼻面。肺盛復感風寒。則胸滿氣急。喘嗽上氣。肺臟怯則唇白。悶亂氣粗喘促。哽氣者難治。肺虛甚也。

腎主虛。無實也。惟瘡疹腎實。則寧重陷。若胎稟虛怯。神氣不足。目無睛光。面白顫解。此皆難育。雖育不壽。或更加色欲。變症百出。愈難治療。或目畏明下竅者。蓋骨重而身縮也。咬牙者。腎水虛而不能制心火也。

變蒸

小兒在母腹中乃生骨氣五臟六腑成而未全。自生之後。即長骨髓五臟六腑之神智也。變者易也。自內而長。自下而上。又身熱。故已生之日。後三十二日一變。變每畢。即情性有異於前。何者。長生腑臟智意。故也。何為三十二日。長骨添精神。人有三百六十五骨。除手足中四十五碎骨外。有三百二十。自生下骨。一日十段而上。之十日百段。三十二日。計三百二十段為一遍。亦曰一蒸骨之餘氣。自腦分入。銀中作三十二齒。而齒牙有不及三十二數者。由變不足其常也。或二十八日。即至長二十八齒以下。做此。但不過三十二之數也。凡一周遍。乃發虛熱。諸病如是。十周則小蒸畢也。計二百二十日。生骨氣乃全而未壯也。

急驚風症治

小兒急驚。因聞大聲。或驚而發搐。搐正如此。故熱生於心。身熱面赤。引飲。口中氣熱。二便黃赤。甚則發搐。蓋熱其生風。陽盛而陰虛也。宜利驚丸除其痰熱。不可用巴豆之藥。

慢驚風症治

小兒慢驚。因病後或吐瀉。或藥餌傷損脾胃。而肢體逆冷。口鼻氣微。手足痠癢。昏睡露睛。此脾虛生風。無陽之症也。小兒初生。壯熱吐乳。身強直。手足抽掣。目反直視。是胎驚風症也。

發搐症治

驚癇發搐。男則目左視無聲。右視有聲。女則右視無聲。左視有聲。相勝故也。欲驗逆順。男則握拳。母抱。

又入食指中為順。於外為逆。女則又入食指為逆。於外為順。仍采吮乳。不能類以治。其母後做此。

若傷風發搐。口中氣熱。呵及頻悶。手足動搖。若傷食發搐。身溫多睡。或吐不思食。百日內發搐。真者不過二三次。必死。假者頻發不死。直者內生驚癇。假者外傷風冷。血氣未實。不能勝任。故發搐。

癲癇症治

凡治五癰皆隨臟治之每臟各有一獸之形並用五色丸治之發而重者死病甚者亦死若反折上竄其聲如犬症屬肝也若目瞤吐舌其聲如羊症屬心也若目直腹痛其聲如牛症屬脾也若驚跳反折手縱其聲如雞症屬肺也若肢體如尸口吐涎沫其聲如猪症屬腎也

附面部三指診症圖



小兒半歲之間有病以名中食三指曲按額前眉上髮際之下若三指俱熱感受風邪鼻塞氣粗三指俱冷感受風寒臟冷吐瀉若食中二指熱上熱下冷名中二指熱夾驚之候食指熱胸膈氣滿乳食不消

附虎口三關脈症圖



水鏡訣云陰陽運合男女成形已分九竅四肢乃生五臟六腑部位各分逆順難明若憑口舌之浮沉必至橫亡於孩子須明虎口辨別三關消詳用藥必無差誤未至三歲看虎口三關若脈見風關尚易治交氣關則難治交命關為死症又當辨其色如獸驚三關必青水驚三關必赤人驚三關必黑若紫色主瀉痢黃色是雷驚三關脈通度乃極驚之症必死有紋或青或紅如線直者是母食傷脾胃左右一樣者是驚積齊發紋有三條白主肺傷風痰或驚驚聲青主傷寒及嗽紅主泄瀉有黑相兼主下痢紅多白痢黑多赤痢有紫相兼虎口脈亂乃氣不和也蓋脈紋見有五色由其病甚色能加變即至純黑者不可得而治矣

五臟瘡疹證治

小兒在胎食五臟血穢伏於命門若遇天行時熱或乳食所傷或驚風所觸則其毒當出初起之候面燥腮赤目胞亦赤呵欠頻悶乍涼乍熱咳嗽嚏噴手足稍冷驚悸多睡宜究其何臟所發察其何因所起令乳母亦須節飲食慎風寒五臟各有一症肝臟水疱青色而小肺臟膿疱色白而大心臟瘰癧色赤而小脾臟疹小次癰故色赤黃淺也先發膿瘰後發疹子者順先疹子後癰者順反此為逆惟腎無候但見獸

冷耳冷是也。若寒水來侮，故黑陷而耳聾反熱為逆也。急用百詳丸、牛李膏各三服，不愈者死。如發潮熱三日以上，出不甚多而熱不止者，未盡也。潮熱隨出如早食，潮熱不已為水泡之類也。一發便出盡者，重。瘡夾疹者，半輕半重也。出稀者，輕。裏外微紅者，輕。外黑裏赤者，微重。外白裏黑者，大重也。瘡端裏黑點如針孔者，勢最劇也。青乾紫陷，皆睡汗出，煩躁，數渴，腹脹，喘喘二便不通者，困也。有大熱利，小便解熱毒。若紫黑乾陷，或寒戰咬牙，或身黃腫紫者，急以百詳丸下之。復惡寒不已，身冷出汗，耳聾反熱者，死症也。此腎氣大旺，脾虛不能制故耳。下後身熱，氣溫飲水者可治。以脾土勝腎寒去而溫熱也不黑者，不可下。下則內虛歸腎，大抵瘡疹屬陽，在春夏為順，秋冬為逆。冬月腎旺，盛寒病多，歸腎變黑。又當辨春膿，夏黑陷，秋癰子，冬疹子者，十活四五。黑者，十難救一。身熱煩渴，腹滿而喘，便澀面赤，悶亂大吐，此當利小便，不瘡者，宣風散下之。若能食而加頭焦起，或未佳而喘實，亦可下之。若五七日加不焦，是內熱也。宣風散導之，生犀汁解之。癰疹作搐為脾虛，而肝則乘心，火妄動，風熱相搏也。當瀉心肝，補脾土。瘡黑而忽便膿血，并加皮者，乃脾氣實，腎邪退而病安也。及瀉而乳食不化者，脾虛不能制腎，故為難治。此即近世痘瘡之症，其病與癰疹同列，並無起脹成漿收靨等說，大抵宋時之瘡形治法，不過如此。近日愈變愈重，與癰症絕不相類，治亦迥別。因知天下之病，隨時隨地，變化無窮，所以內經有五運六氣異法，方宜等論為醫者，苟不能知天運之轉移，及五方之體性，終有偏執之處，不可以稱上工也。痘瘡無人可免，自種痘之法起，而小兒方有避險之路。此天意好生，有神人出焉，造良法以救人也。然人往往以種痘仍有死者，疑而不敢種，不知乃苗之不善，非法之不善也。況即有死者，不過百中之一，較之天行惡痘，十死八九者，其安危相去何如也。至於治痘之書，自宋至今，不下數十種，莫不和平切近，孰意邇年以來，崇奉怪書，不論小兒之強弱，痘症之虛實，概以大黃數兩，石膏數斤為一劑，使兒真火消盡。

元氣大傷絕其起脹成漿之路因向其父母云此症或不能起脹或不能成漿而死至期果死其父母以為神耳不知此實醫者致之死地也或幸不死則信為大黃石膏之功而此二味遂為不祧之藥矣又方中多用蜂房蝎子蟾蜍蛇蝎蚌汁等惡物成升成盞灌入兒腹以增其毒而爛其胃宛轉就死尤可痛心夫近日時醫治精壯男婦之病見用清火之藥一二錢羣以為此寒涼之品斷不可服必當用附桂參朮獨於數月之小兒反用大寒大毒之藥成兩成斤俾死者接踵而不悔何耶醫者不足責為父母而目覩其子之服此毒藥以致慘死毫無疑怨則何心也

丹瘤

丹瘤之症因熱毒客於腠理搏於血氣發於皮膚當以白玉散塗之

傷風兼變症治二

傷風兼肝則發搐頸悶兼心則驚不安兼肺則喘嗽哽氣兼脾則困睡兼腎則目畏明各隨補其母

諸經發熱症治三

潮熱者時間發熱過時即退來日依時而發此欲發驚也壯熱者常熱不已甚則發驚癇也風熱者身熱而口中氣熱乃風邪所感也溫熱者肢體微熱也發熱而不欲飲水者胃氣虛熱也發熱而飲水作渴喜冷飲食者胃氣實熱也

吐瀉症治

若吐乳瀉黃傷熱乳也吐乳瀉青傷冷乳也皆當下之吐瀉昏倦睡不露睛者胃實熱也吐痰涎及綠水者胃虛冷也初生下吐因穢惡下咽故也凡初生急須拭淨口中否則啼聲一發穢物咽下致生諸

病

拭去穢物
出痘必持

五臟內外疳症主治

凡小兒疳在內。目腫腹脹。瀉劑青白。體瘦羸弱。疳在外。鼻下赤爛。頻揉鼻耳。或肢體生瘡。鼻瘡。用蘭香散。諸瘡用白粉散。肝疳一名筋疳。白膜遮睛。或瀉血面瘦。心疳。面黃頰赤。身體壯熱。脾疳一名肥疳。體黃瘦削。皮膚乾澀。而有瘡疥。腹大嗜土。腎疳一名骨疳。肢體瘦削。遍生瘡疥。喜臥濕地。肺疳一名氣疳。喘嗽氣促。口鼻生瘡。若患潮熱。當先補肝。後瀉心。若妄以硝黃諸藥劑之。若患癰當消磨。若誤以巴豆礪砂下之。及傷寒誤下。皆能成疳。其初病者為熱疳。久病者為冷疳。冷熱相兼者。津液短少者。皆因大病脾胃虧損。內亡津液所致。當固脾胃為主。早為施治。則不變敗症也。

腹痛腫脹諸症

小兒腹痛體瘦。面色晄白。目無睛光。口中氣冷。不思飲食。或嘔利撮口。此脾土虛而寒水所侮也。若口中氣溫。面色黃白。目無睛光。或多睡惡食。或大便酸臭。此積病也。若腹脹而悶亂喘滿者。實也。若不悶亂喘滿者。脾虛也。誤下之。以致目庖腮面四肢浮腫。肚腹愈脹。因下而喘。脾氣益虛也。脾虛不能勝腎水。隨肺氣行於四肢。如水狀。若侵浮於肺。即大喘也。若腎熱傳於膀胱。熱其逆於脾肺。脾胃虛而不能制腎水。流走四肢。而身面皆腫。若土勝。則刑於肺。故令喘也。若口吐涎沫。或吐清水。面晄白。心腹痛有時者。蟲痛也。與癰相似。但目不斜。手不搖也。安蟲散主之。若腹中有癖不食。但飲乳是也。蓋小兒病此。良由乳食不消。伏於腹中。乍冷乍熱。飲水過多。即蕩滌腸胃。亡失津液。脾胃虛弱。不能傳化水穀。以致四肢羸瘦。肚腹漸大。而成疳矣。

五臟雜症主治

喜汗者。厚衣臥而額汗出也。盜汗者。肌肉虛而睡中汗出也。胃虛汗者。上至項下至臍也。六陽虛汗者。

上至頭下至項難治 夜啼者小兒筋骨血脈未成而多哭脾臟冷而痛也當與溫中藥或花火膏主之

若虛怯為冷所乘則唇青驚啼者邪氣乘心也當以安神丸主之 若浴後拭臍不乾風入作瘡令

兒撮口甚者脾虛也若頻撮口是氣不和也 弄舌熱者脾臟微熱令舌絡牽緊時時舒熱或飲水者

脾胃虛而津液少也兼面黃肌瘦五心煩熱者疳積也大病未已而弄舌者凶 解顱者生下顱門不合

也長必多愁少笑目面精多面色既白或體消瘦皆腎虛也 胎肥者生下豐厚目睛粉紅大便乾難時

出涎水 胎熱者生下有血色時叫哭身熱淡黃目睛多赤大便色黃急欲食乳並用浴體法主之 胎

怯者生下面白肌肉瘦弱大便白水身無血色哽氣多噎亦用浴體法 急欲乳不能食者此風邪由臍

而蘊熱心脾致舌厚唇燥不能吮乳也 龜胸龜背者由兒生下風客於脊入於骨髓致成龜背若肺熱

脹滿攻於胸膈即成龜胸並用瀉尿點其骨節自愈取尿法用青蓮葉安龜在上用鏡照之其尿自出 失音吐瀉或大便後雖

有聲而不能言又能咽物者非失音此腎怯不能上接於陽也凡口噤不止則失音語遲 若大病後身

目皆黃者黃病也 身病背強大小便澀一身盡黃小便黃赤此黃疸也瀉者難治 若百日或半年不

因病而身黃者胃熱胎疸也 若淡黃兼白者胃怯也 長大不行行則脚軟 齒久不生生則不固

髮久不生生則不黑皆胎弱

小兒方

瀉青丸 治肝經實熱驚風抽搐

羌活治用羌活 大黃治諸實熱 芩藎入手足厥陰 山梔仁瀉心火實 龍膽草少益肝胆 當歸以足厥陰

血防風治風各等 右為末煉蜜丸芩實大每服半丸竹葉湯入砂糖化下

導赤散 治小腸實熱小便赤亦

生地黄 心與小腸之藥 錢氏用以導赤 甘草 生瀉心火 各等分 右為末每服一錢入淡竹葉 清心 水煎

地骨皮 赤芍藥 柴胡 乾葛 各一兩 甘草 五錢 犀角 二錢 鎔主風熱驚癇 鎮肝除心熱 丹溪云犀角痘後用以散餘毒無毒

瀉黃散 治脾胃實熱 者非直 右為末每服一二錢水煎

藿香葉 入手足太陰經 助脾開胃止嘔 甘草 各七錢五分 石膏 五錢 瀉胃火 山梔仁 一兩 治胃中熱氣 防風 三兩 右用蜜酒微炒為末每服一二錢水煎

五味異功散 治脾胃虛弱吐瀉不食

人參 茯苓 白朮 甘草 炒 陳皮 各等 右為末每服三錢薑棗水煎

益黃散 治脾土虛寒嘔吐泄瀉

陳皮 青皮 下食入大陰之倉 丁香 各二錢 去脾胃中寒 訶子肉 五錢 能開胃消食止痢 甘草 錢三 右為末每服一二錢水煎

瀉白散 治肺經實熱咳嗽痰喘

桑根白皮 炒瀉肺氣之有餘 有餘者邪有餘也 地骨皮 各一兩 甘草 錢五 右為末每服一二錢入粳米百粒水煎

阿膠散 治肺虛咳嗽口乾作渴

明阿膠 一兩 麩炒能補氣不足 甘草 錢一 馬兜鈴 五錢 主肺熱咳嗽 清肺補肺 糯米 一兩 杏仁 七粒 去皮尖下 鼠粘子 二錢 五分

右為末每服二錢水煎

地黃丸 治腎虛解頤或行遲語遲等症

熟地黄 八錢 酒洗益腎 水真陰補血虛 山茱萸肉 補腎 乾山藥 涼腎瀉陰 中火治足少陰無汗之骨蒸 白茯苓 各三錢 入土 牡丹皮

蘭臺軌範 卷八 小兒 土

澤瀉錢三

右地黃杵膏。餘為末。加煉蜜丸。如桐子大。每服二十丸。空心白湯送下。

四君子湯 治脾氣虛弱。飲食不化。腸鳴泄瀉。或嘔噦吐逆。

人參 白茯苓 白朮 甘草炙各五分 水煎服。

四物湯 治肝經血虛發熱。日晡益甚。或煩燥不寐。

當歸 熟地黃兩各二錢 白芍藥一錢 芎藭五分 右作二劑水煎服。

八珍湯 治氣血俱虛。或因失血過多。或因尅伐元氣。以致內熱發熱。肢體瘦痺。即四物四君子二湯

合服。

十全大補湯 治氣血虛熱。或因病後惡寒發熱。或自汗盜汗。食少體倦。或發熱作渴。頭痛眩暈等症。

即八珍湯加黃耆肉桂。

六君子湯 治脾胃虛弱。體瘦面黃。或久患瘧痢。不思乳食。或嘔吐泄瀉。飲食不化。或時患飲食停滯。或

母有前症。致兒為患。

人參 白朮 茯苓各二錢 陳皮 半夏 甘草炙各一錢 右每服二三錢。薑棗水煎。

補中益氣湯 治中氣不足。困睡發熱。或元氣虛弱。感冒風寒諸症。或乳母勞役發熱。致兒為患。

黃耆炙 人參 白朮炒 甘草炙 當歸 陳皮各五分 升麻 柴胡各二錢 右七味加薑

棗水煎。

香砂助胃膏 治胃寒吐瀉。乳食不化。

人參 白朮炒 白茯苓錢各五 甘草炙 丁香各一錢 砂仁四十粒 白豆蔻十四粒 寬胃肉

豆蔻四個 煨溫中補脾下氣運化 乾山藥一兩 右為末。煉蜜丸。芡實大。每服二三丸。米飲磨化。

非此香附陳皮之賦泄也。

肥兒丸 治食積五疳頸項結核髮稀成穗發熱作渴等症

黃連炒 神麴炒 木香各一兩 檳榔二十個 肉豆蔻二兩 史君子酒浸 麥芽炒各四兩 右為末麵糊

丸如麻子大每服三五十丸米飲下良久用五味異功散一服以助胃氣

九味蘆薈丸 治肝脾疳積體瘦熱渴大便不利或癰癰結核耳內生瘡等症

蘆薈 胡黃連 黃連 木香 蕪荑炒 青皮 白雷丸 鶴虱草各一兩 麝香錢三

右為末蒸餅糊丸如麻子大每服一二錢空心白湯下

木香丸 治冷瘕

木香 青黛 檳榔 肉豆蔻 麝香各一錢半 續隨子一兩 蝦蟆三個 右為末蜜

丸如菜豆大每服三五丸煎薄荷湯下

胡黃連丸 治熱疳

胡黃連 黃連各五錢 硃砂二錢 右為末填入豬膽內以線紮懸挂鉗中浸漿水者數沸取出研

入蘆薈麝香各二錢飯和丸如麻子大每服一二十丸米飲下

如聖丸 治冷熱疳瀉

史君子取肉一兩 胡黃連 川黃連 白蕪荑各五錢 麝香五錢 乾蝦蟆五個 右為末以蝦蟆

膏杵丸麻子大每服一二十丸煎人參湯下

蘭香散 治鼻疳赤爛

蘭香葉二錢 銅青 輕粉各五分 為末乾貼

白粉散 治諸疳瘡

海螵蛸 三分 白芨 二分 輕粉 一分 右為末先用漿水洗拭乾貼

蟾蜍丸 治無辜瘡症一服虛熱退二服煩渴止三服瀉痢愈

蟾蜍一放夏月溝渠中取腹大不跳不驚身多瘰者 右取蟾蜍一杓置桶中以尿浸之却將蟾蜍跌死投與蛆食一晝夜

用布袋盛蛆置急流中一宿取出瓦上焙乾為末入麝香一字粳米飯丸麻子大每服二三十丸米飲下其效如神

蕪荑散 治蟲動口內流涎

白蕪荑 乾漆 炒各等分 右為末每服五六分米飲下

安蟲散 治蟲動心痛

胡粉 炒黃 檳榔 川練子 鶴虱 錢各三 枯白礬 二錢五分 右為末每服五六分痛時米飲調下

白玉散 治丹瘤

白土 二錢五分 寒水石 五錢 為末用米醋或新水調塗

柳華散 治熱毒口瘡

黃柏 炒 蒲黃 青黛 人中白 各等分 為末敷

仙方活命飲 治一切瘡毒未成內消已成即潰此消毒排膿止痛之聖藥也若膿出而腫痛不止者元

氣虛也當補之

穿山甲 白芷 防風 沒藥 甘草 赤芍藥 歸尾 乳香 花粉

貝母 錢各一 金銀花 陳皮 錢各三 皂角刺 二錢 右每服二三錢酒水各半煎

消積丸 治食積大便秘臭發熱

丁香 九粒 縮砂 十二粒 巴豆 二粒去心膜 烏梅肉 三個 右為末麵糊丸黍米大每服五七丸溫水下

保和丸 治食積

山楂 二兩 神曲 二兩 半夏 茯苓 各一兩 陳皮 連翹 蘿蔔子 各五錢 右為末粥糊丸如桐

子太母服二二十九丸白湯下

四神丸 治脾腎虛泄瀉不食或乳母患此致兒為患

肉豆蔻 二兩 補骨脂 四兩 五味子 二兩 吳茱萸 一兩 右為末用水二盞生薑八兩紅棗一百枚煮

熟用棗肉和末丸如麻子太每服二三十丸空心食前白湯下子母並服

五苓散 治霍亂吐瀉燥渴飲水小便不利

澤瀉 五錢 豬苓 官桂 赤茯苓 白朮 各三錢 右為末每服一二錢白湯調下

白虎湯 治傷暑煩燥身熱痰盛頭痛口渴大渴

知母 一兩 石膏 四兩 白粳米 八錢 甘草 炙五錢 右為末每服一二錢水煎

地黃清肺飲 治肺癆咳嗽痰唾稠粘

阿膠 一錢 鼠粘子 二分 馬兜鈴 甘草 各五分 杏仁 七枚去尖 糯米 十粒 右每服一錢水煎 此方以脫地黃

一未否則即前

參蘇飲 治感冒風寒或腹脹少食泄瀉嘔吐或手足並冷喘促痰涎

人參 紫蘇 陳皮 半夏 茯苓 枳殼 麩炒 桔梗 炒 前胡 乾葛 甘草

炒各木香 三分 為末每服一二錢水煎

小柴胡湯 治傷寒濕熱患身熱惡風頭痛項強四肢煩疼寒熱往來嘔吐痰實及治中暑病瘧

柴胡八錢 半夏湯泡 黃芩人參各三錢

右每服一二錢薑棗水煎

加味逍遙散 治乳母肝脾氣血虛弱發熱致兒為患

當歸 白朮 茯苓 芍藥炒黃各一錢 柴胡 牡丹皮 山梔炒 甘草 水煎服

龍膽瀉肝湯 治肝經濕熱或囊癰便毒小便澀滯

龍膽草酒炒五分 車前子炒 木通 歸尾 澤瀉 甘草 黃芩 生地 山梔各三分

水煎服

茵陳湯 治身熱鼻乾汁出二便赤澀濕熱發黃

茵陳六錢 梔子二個 大黃二錢 每服一錢水煎

黃連杏葉飲

黃連四兩 厚朴二兩 黃連 右每服一二錢將朴連同生薑炒令紫色入香需水酒各一盞煎冷服

金匱加減腎氣丸 治脾腎虛腰重腳輕小便不利或肚腹腫脹四肢浮腫喘急痰盛已成蠱者此症多

因脾胃虛弱治失其宜元氣復傷而變者非此藥不救

白茯苓三兩 附子炮五錢 川牛膝 肉桂 澤瀉 車前子 山萸肉 山藥 牡丹

皮各一兩 熟地黃酒拌料膏 右為末和地黃膏加煉蜜杵丸如桐子大每服一二十丸空心米湯下

五色丸 治五癰

硃砂 真珠各五錢 水銀 雄黃各一錢 黑鉛三兩同水銀結成砂 右為末煉蜜丸麻子大每服三四丸煎

銀花薄荷湯下

斷癰丹 治癰差後變症不止

黃耆蜜炙 鈎藤鈎 細辛 甘草炙各五錢 蛇退三寸 蟬蛻去土 牛黃一字 右為末煮棗肉為丸

麻子大每服五七丸人參煎湯下

福銀丸 治風涎膈熱及乳食不消腹脹喘促

巴豆 水銀各五錢 京墨八錢火燒 黑鉛二錢半 麝香五分 右為末陳米粥丸如菜豆大每服二

三丸煎薄荷湯下

利驚丸 治急驚

天竺黃二錢 輕粉 青黛各一錢 黑牽牛炒五錢 右為末蜜丸豌豆大每歲服一丸薄荷湯化下

小續命湯 治中風不省人事涎鳴失音肢體張或時厥冷

麻黃去節 人參 黃芩 芎藭 芍藥 甘草炒 杏仁去皮 漢防己 官桂各五錢

防風七錢 附子泡去皮 右各另為末和勻每服一錢薑棗水煎有熱減桂附

鈎藤鈎飲 治吐利脾胃虧損虛風慢驚

鈎藤鈎三分 蟬蛻 防風炒 人參 麻黃 白殭蠶炒 天麻 蝎尾去毒 甘草炙

芎藭各二錢 麝香一錢 為末每服一二錢水煎

大青膏 治傷風吐瀉身溫氣熱驚搖

天麻 青黛各一錢 白附子 乾蝎去毒 烏梢蛇肉酒浸 硃砂 天竺黃二錢 麝香二分 右為

末生蜜和膏每服一豆粒許月中兒用半粒薄荷湯化下

百祥丸 治痘瘡黑陷及嗽而吐青綠水

紅芽大戟陰乾漿水煮去 右焙乾為末水丸粟米大每服十丸赤芝麻湯送下

牛李膏 治痘瘡黑陷

牛李子一味杵汁石器內熬膏每服皂子大煎杏膠湯化下

雄黃散 治痘後牙齦生疳蝕瘡

雄黃一錢 銅綠二錢 同研細量瘡大小乾糝其上

歸脾湯 治乳母脾經氣鬱致兒為患

人參 白朮 茯苓 黃耆 龍眼肉各二錢 遠志一錢 酸棗仁 木香 甘草各三錢

右薑棗水煎服加柴胡山梔名加味歸脾湯

越鞠丸 治乳母六鬱傳兒為患或胸滿吐酸噯痛瘡疥等症

蒼朮 神麴炒 香附子 山查 山梔炒 芎藭 麥芽各等分 右為末水調神麴糊

丸桐子大每服二三十丸白滾湯下子母並服

安神丸 治邪熱驚啼心肝壯熱面黃頰赤

麥門冬去心 牙硝 白茯苓 乾山藥 寒水石 甘草各五錢 硃砂一兩 龍腦二分 右

為末煉蜜丸芡實大每服半丸砂糖水化下

花火膏 治夜啼

燈花一顆塗乳上令兒吮之

蟬蛻鈎藤散 治肚疼驚啼

鈎藤 天麻 茯苓 芎藭 白芍藥各二錢 甘草 蟬蛻各一錢 每服一錢燈心湯下

羚羊角丸 治行遲

羚羊角 銔

虎脰骨

醋炙

生地黃

焙

酸棗仁

白茯苓

各五錢

肉桂

防風

當歸

黃耆

各二錢五分

右為末 煉蜜丸 每服一皂子 大白湯化下

止汗散 治睡而自汗

故蒲扇一把 燒存性 研為末 每服三錢 溫酒調下

當歸六黃湯 治血虛不足 虛火內動 盜汗不止

當歸

熟地黃

黃耆

炒

黃柏

以下俱炒黑

黃芩

黃連

生地黃

各等分

每服二錢 水煎服

團參湯 治心血虛熱 自汗盜汗

人參

當歸

各等分

右用猪心一片 每服三錢 水煎服

參附湯 治稟賦不足 上氣喘急 自汗盜汗 或病久陽氣脫陷 急宜服之

人參

五錢

附子

泡一兩

每服一錢 薑水煎

人參養榮湯 治脾肺俱虛 發熱惡寒 肢體瘦倦 食少作瀉 或久病虛損 口乾食少 效而下痢 驚熱自汗

白芍藥

一錢五分

人參

陳皮

黃耆

蜜炙

桂心

當歸

白朮

炒

甘草

炙各一錢

熟地黃

五味子

杵炒各七分

遠志

五分

每服二三錢 薑棗水煎

浴體法 治胎肥胎熱 胎怯

烏蛇肉

酒浸

白礬

青黛

各三錢

天麻

二錢

蝎尾

去毒

硃砂

各五分

麝香

二分

右為末 桃枝一握 水

煎浴之 勿浴背

神效當歸膏 治跌撲湯火等瘡 不問已潰未潰

當歸

黃蠟

生地黃

各一兩

麻油

六兩

右先將當歸地黃入油煎黑去渣 入蠟鑠化 候冷攪

勾即成膏矣

以上皆直訣所載之方以下諸方皆取別本附入者

保命散

治一切急驚慢驚痰涎湧塞手足抽搐目直神昏夜啼晝倦吐乳瀉白種惡症

珍珠

牛黃各三錢琥珀五分膽星白附子蟬蛻天蟲茯苓皂角

防風

茯神各二錢天竺黃研橘紅甘草薄荷硃砂各一錢天麻三錢全蝎十個酒

礞石

三錢水片麝香各三錢右為末和勻每服一二分或用神麝糊丸麻子大每服一二十丸

量兒大小加減鈎藤一錢薄荷三分泡湯下凡小兒有病即宜少與乳食若似驚風即宜斷乳如欲食與米飲一勾必欲食乳須先將乳擠空然後以空乳令吮否則乳下喉中即成頑痰雖神丹無效俟少安漸與乳可也

治疳積方

不落水雞肝酒洗同黃蠟一錢頓熟去蠟吃

治赤痢方

寒水石黃柏黃連大黃鉛粉枯礬白堊粉冰片青黛右

藥隨舉幾味研麻油調塗

治痘出眼中方

取田雞膽點之愈

治癩方

不拘頭面遍身痛癢黃水出俱效

黃連一兩蛇牀子五錢五倍子一兩輕粉三錢黃柏五錢枯礬五錢川椒二錢冰片一錢同研麻

油調塗

治骨蒸方

銀柴胡八分鮮骨皮一錢真青蒿八分川連五分犀角五分丹皮五分甘草三分元參一錢竹葉

蘆根 一兩 水煎服

治遺尿方 幼幼新書

雞腔脰 一具

桑螵蛸 三枚

甘草 三分

黃耆

牡蠣 各五錢

為粗末每用一錢水一盞煎去渣服

治牙疳方

人中白 一錢

枯礬 三分

紅褐子 一錢

雞肫皮 二錢

霜梅 八分

雄黃 五分

硼砂 五分

銅青 三分

右為

末煎濃茶調搽吐涎

治吐乳方 幼幼新書

蓮子心 七枚

丁香 三粒

人參 三分

右同研乳汁浸令兒吮食

治螳螂子方 即妬乳也

青黛 一錢

元明粉 三錢

硼砂 一錢


薄荷 五分


冰片 一分

右同研細擦口內兩頤吐出涎一日用四

五次 自古無螳螂子之病凡小兒變蒸之候每有口內微腫惡乳之時名曰妬乳不治自愈其或不能坐視則用此方塗口亦易愈近日海濱妖婦造割螳螂子之法以騙人取利強者幸愈弱者俱死惟松江蘇州最受其害蓋小兒兩頤內外皮有兩層中空處有指膜一塊人人皆然割去復生妖婦以此惑人人見果有如螳螂子者遂相信不疑死而不悔深可憐憫除蘇松之外天下並無有生螳螂子而死者斷不可為其所愚而受害也

損 小兒股內無力因跌而起一足不伸臀左右大小不同腰脊歪斜脊骨高起俱屬不治或久而成毒亦為廢人





H87378h

1907

v. 9